

poisua nganai Namasia

Kanakanavu tamna tanasun “Namasia” kisuun. sua nganai isi ia, niaranai na cenana miana miana pa, cau Kanakanavu matanganai na cakuran nesi. neni vanai Namasia kisuun? sua Kanakanavu tamna niurina ’una, ’una urucin poisua ’inia. soni paru’una kita poisua sikara in ucani ’una.

niaranai na mamarang ’una makasi, ’una kani tacini nanmarua sarunai Masia kisuun. matatua ’esi na timcara cimuru, aracan na saringusu cakuran putukio. surumu cumacu’ura ’una ucani tatia vurunga, kurisivatu na cakuran. tumupu cakuran, ka’anu cu canumu tani muca. kuratumuru cu canumu cakuran, tia cu miciri na pipiningi. cucuru ’apitaru Kanakanavu tamna tanasun! manasu tia punarun canumu. ’esi na caruru cimuru sua nanmarua Masia isua. vanai tia pui’i tanasun tumatuturu caukia, ka’anu tarasangai arapana’u, matakurikuri, murakuraku, vakuru cu kavangvang nguain tamna tina’an. mesua nimupacai curu, mataa ’itumuru curu vakuru. koo miaranau niaraka mamacai aratukunu mamane. nakai mesua tanasun Kanakanavu, vanai sii ’una nanmarua Masia makasua tumatuturu, mata’uru cu takutavaru’u ’una ’apitaru, mucanu aravari na ngungucara cimuru.

makasi sua niurina ’una, macuvungu niara’isi kani vavuru sua vurunga isua. natia miciri canumu tani cu muca. para’akia cu tanasun tamna ’apitaru. cau Kanakanavu mesua, vanai tia musu’uvu nanmarua isua. aranai mesua, cakuran nesi ’urupaca nguain tamna nganai “Namasia” kisuun. nguain tamna nganai ia Masia, pasacarapun “Na-”. kari isi. sua isi ia Kanakanavu tamna sipatanganai, sii tia putucau ’inia.

miana sua tanasun mita ia “Sanminsiang 三民鄉” kisuun. kasian cau, maraa mamumuku tumatimana nganai isi. ’esi na Minkuo masiun pitu cenana, pati’unu’unuun Namasia kisuun, matarava masini. mesua cuun(村) tamna nganai ia, ’una Mincu(民族), Mincien(民權), Minsung(民生). nakai sua nganai isi ia, ’akia vanai mataa ka’unai tamna rikisi. makarikari cau, tia manung ’apui’iun miana tamna nganai. nguai sua Kanakanavu tamna niurina nganai: Nangisaru, Mangacun, Tanganua. Nakasayana tamna nganai ia: 南沙魯, 瑪雅, 達卡努瓦. uturu ri(里). nganai isi, ’una kavangvang rikisi ’imi. cucuru! tia kita masakun ’inia.

那瑪夏名稱的傳說

卡那卡那富族的部落稱為 Namasia，是源自數百年前，卡那卡那富族人為此地的溪流所命名而來的。傳說一位叫 Masia 的男子，在溪流水源山頭工作，看到一條巨大的鱸鰻堵住了溪水不能流動。溪水快要滿出來，部落岌岌可危！青年從山頂上，又滾又爬傷痕累累的奔回部落通報族人，逃離危機。為了紀念那位青年，就以其名稱呼此溪流為「Namasia」。之前曾經被稱為「三民鄉」，有民族、民權、民生三個村。現在已更名為那瑪夏。有南沙魯、瑪雅、達卡努瓦三個里。